

Tumutendereze Mukama!



Byakunnganyizibwa
Watson Goodman

Kabwerefere—
Tekatundibwa

TUMUTENDEREZE MUKAMA

Mukama yankubiriza okukozesa eddakika 15 buli lunakku okumutendereza kyokka. Nakizula kinno nga kinfula omusanyufu era Omukristayo omuwanguzi.

Mwattu tomala gasoma katabo kanno. Kakozese ng'omukulembeze omukulu ow'omutima ogujjudde ettendo eri Katonda waffe omukulu era omulamu ogwebuziba. Londa ebitundu mu Byawandiikibwa buli nkya era obeere mukutendereza mu maaso ga Mukama. Le ka ettendo libeere ddamu era eritasalako.

Wegatte Ku Kibina Ky'ensi Yonna Ekitendereza

Mukama yankubiriza okutegeza akakadde kalamba ak'abantu mu nsi zonna okwetolola okutendereza eddakika 15 buli lunakku. Tweenoonye ffe benyini tufune ekisanidde. Ekyo ekyandibadde ekikulu ekisinga okutendereza n'omutima gwonna Kabaka wa bakabaka? On'oba omu kw'abo obukadde? —Watson Goodman (1920-2002)

MUMUTENDEREZE MUKAMA N'ESSANYU ERITUUKIRIDDE

1

Musanyukire Mukama, muja-
guze, mmwe abatuukirivu

—Zabbuli 32:11a

Ekigambo kya Mukama waffe
ne kibuna mu nsi eri yonna. . . . A-
bayigirizwa ne bajjula essanyu
n'Omwoyo Omutukuvu.

—Ebikolwa By'Abatume 13:49 ne 52

Okugezebwa kw'okukkiriza
kwammwe okusinga omuwendo
ezaabu eggwaawo, newakubadde
ng'egezebwa mu muliro, kulyoke
kulabike okuleeta ettendo n'e-
kitiibwa n'okugulumizibwa Yesu
Kristo bw'alibikkulibwa: gwe
mwagala nga temunnaba kumula-
ba: gwe mutalaba kaakano naye

mumukkiriza, ne mujaguza essa-
nyu eritayogerekeka, eririna eki-
tiibwa.

—1 Peetero 1:7, 8

Abaagalwa, temwewuunyanga
olw'okwokebwa okuli mu mmwe,
okujja gye muli olw'okubakema,
ng'abalabye eky'ekitalo: naye, ku-
banga mussa kimu mu bibonoobo-
no bya Kristo, musanyukenga;
era ne mu kubikkulibwa kw'ekitiib-
wa kye mulyoke musanyuke
n'okujaguza. —1 Peetero 4:12, 13

Kale nammwe kaakano mun-
kuwala: naye ndibalaba nate,
n'emิตima gyammwe girisanyuka,
n'essanyu lyammwe tewali muntu
alibaggyako. —Yokaana 16:22

2 SAAYO OMUTIMA GWO MUKUTENDEREZA MUKAMA

Era onooyagalanga Mukama Katonda wo n'omutima gwo gwonna, nemmeeme yo yonna, n'a-maanyi go gonna.

—Ekyamateeka Olw'okubiri 6:5

Neebazanga Mukama n'omutima gwange gwonna; naayolesanga ebikolwa byo eby'ekitalo byonna.
—Zabbuli 9:1

Nneebazanga n'omutima gwange gwonna: Mu maaso ga baktonda naayimbanga okukutendereza. Nnaasinzipanga eri yeekaalu yo entukuvu, era nneebazanga erinnya lyo olw'ekisa kyo n'olw'amazima go: Kubanga ogulumizizza ekigambo kyo okusinga erinnya lyo lyonna. —Zabbuli 138:1, 2

Weebaze Mukama, ggwe emmeeme yange; ne byonna ebiri munda yange, mwebaze erinnya lye ettukuvu. —Zabbuli 103:1

Omuntu omulungi ekirungi akggya mu tterekero eddungi ery'omutima gwe. —Lukka 6:45a

*Omuntu Ono Yakissako
Omutima Ggwe*

N'amukwata ku mukono ogwa ddyo n'amuyimusa. Amangu ago ebigure bye n'obukongovvule ne bifuna amaanyi: n'agolokoka mangu n'ayimirira n'atambula, n'ayingira nabo mu yeekaalu ng'atambula ng'abuuka ng'atendereza Katonda.

—Ebikolwa By'Abatume 3:7, 8

EBIBALA EBY'ETTENDO

3

Katonda Abeera Awali Ettendo

Naye ggwe oli mutukuvu, ggwe
atuula mu matendo ga Isiraeri.

—Zabbuli 22:3

Okuba Omusanyufu N'okubala Ebibala, Kuuma Ettendo Nga Lirindirita Katonda

Ettendo likulindirira, ai Kato-
nda, mu Sayuuni. —Zabbuli 65:1a

Mujje, tuyimbire Mukama: Tu-
yimbire n'eddoboozi ery'essanyu
ejjinja ery'obulokozi bwaffe. Tu-
jje mu maaso ge n'okwebaza, tu-
muyimbire n'eddoboozi ery'e-
ssanyu ne zabbuli. —Zabbuli 95:1, 2

abantu bakutenderezenga, ai
Katonda; abantu bona bakute-

nderezenga, ensi ereese ekyengera
kyayo: Katonda, ye Katonda wa-
ffe, anaatuwanga omukisa.

—Zabbuli 67:5, 6

Ettendo Liwoonya Okutya

Kubanga Katonda teyatuya ffe
omwoyo ogw'okutya, wabula o-
gw'amaanyi era ogw'okwagala e-
ra ogw'okwegenderezanga.

—2 Timoseewo 1:7

Ettendo Ye Saddaka Y'omukristayo Weweyo Eri Ettendo

Kale mu oyo tuweereyo eri Ka-
tonda bulijjo ssaddaaka ey'ette-
ndo, kye kibala eky'emimwa egya-
tula erinnya lye.

—Abaebbulaniya 13:15

Mumutendereze Mukama: mu-mutendereze Mukama, mmwe abayima mu ggulu: mumutendereze mu bifo ebya waggulu. Mumutendereze, mmwe bamalayika be bona: mumutendereze, mmwe eggye lye lyonna. Mumutendereze, mmwe enjuba n'omwezi: mumutendereze, mmwe emmunyenye zonna ezaaka. Mumutendereze, mmwe eggulu ly'eggulu, na-mmwe amazzi agali waggulu w'eggulu. Bitendereze erinnya lya Mukama: Kubanga yalagira, ne bitondebwa. Era yabinyweza oktuusa emirembe n'emirembe: yateeka etteeka eritaridiba. Bantdereze erinnya lya Mukama; ku-

banga erinnya lye yekka lye ligulumizibwa: ekitiibwa kye kiri kungulu ku nsi ne ku ggulu.

—Zabbuli 148:1-6 ne 13

Eggulu n'ensi bimutenderezenga, ennyanja ne byonna ebigitambuliramu. —Zabbuli 69:34

Kale eri mmwe abakkiriza omuwendo mungi.... Naye mmwe muli ggwanga ddonde, bakabona ba kabaka, kika kitukuvu, bantu ba nvuma, mulyoke mubuuliringa ebirungi by'oyo eyabayita okuva mu kizikiza okuyingira mu kutangaala kwe okw'ekitalo: edda abataali ggwanga, naye kaakano muli ggwanga lya Katonda.

—1 Peetero 2:7a, 9, 10a

BULI OMU AYITIBWA MU BAYIMBI BE ABAMATENDO

5

Mukale mukube mu ngalo, mmwe amawanga gonna; mwogere-re waggulu eri Katonda n'eddo-boozi ery'okuwangula. Muyimbe okutendereza Katonda, muyimbe okumutendereza; muyimbe okutendereza Kabaka waffe, muyimbe okumutendereza. Kubanga Katonda ye Kabaka w'ensi zonna.

—Zabbuli 47:1 ne 6, 7a

Leeta eddoboozi ery'essanyu eri Katonda, ensi yonna . . . Ensi yonna erikusinza, erikuyimbira ggwe; baliyimbira erinnya lyo. (Seera) Kale, amawanga gasanyukenga gayimbenga olw'essanyu: Kubanga olisalira abantu emisa-

ngo egy'ensonga, era olifugira amawanga mu nsi.

—Zabbuli 66:1, 4; 67:4

Buli ekirina omukka kimutende-reze Mukama. Mumutendereze Mukama.

—Zabbuli 150:6

Mumutendereze Mukama, mmwe amawanga gonna; mumugulumize, mmwe abantu bona. Kubanga okusaasira kwe kungi eri ffe: N'amazima ga Mukama gabeerera emirembe gyonna. Mumutendereze Mukama. Kubanga ekigambo kya Mukama kigolokofu; N'omulimu gwe gwonna (agu-kola) mu bwesigwa.

—Zabbuli 117:1, 2; 33:4

6 MUTENDEREZE MUKAMA KUBANGA BWAALI

Awoabantu ne basanyuka kubanga baawaayo ku bwabwe, kubanga baawaayo ku bwabwe eri Mukama n'omutima ogutuukiridde: era ne Dawudi kabaka n'asanayuka essanyu ddene. Dawudi kyeyava yeebaliza Mukama mu maaso g'ekibiina kyonna: Dawudi n'ayogera nti Weebazibwe, ai Mukama, Katonda wa Isiraeri jjajjaffe, emirembe n'emirembe. Obukulu bubwo n'amaanyi n'ekitiibwa n'okuwangula n'okugulumizibwa: kubanga byonna ebiri mu ggulu n'ebiri mu nsi (bibyo); obwakabaka bubwo, ai Mukama, era ogulumizibwa okuba omutwe gwa byonna. Obugagga era n'ekitiibwa

biva gyoli, era ggwe ofuga bona; era mu mukono gwo mwe muli o-buyinza n'amaanyi; era mu mukono gwo mwe muli okukuza n'okuwa bona amaanyi. Kale nno, Katonda waffe, tukwebaza ne tutendereza erinnya lyo ery'ekitiibwa.

—1 Ebyomumirembe 29:9-13

... Mutukuvu, mutukuvu, mutukuvu, Mukama ow'eggye: ensiyonna ejjudde ekitiibwa kye. Ai Mukama, ggwe Katonda wange; naakugulumizanga, naatenderezanga erinnya lyo; kubanga okoze eby'ekitalo, bye wateesa edda, mu bwesigwa n'amazima.

—Isaaya 6:3b; 25:1

Ne ndaba ng'ennyanja y'endabirwamu etabuddwamu omuliro; abava eri ensolo n'ekifaananyi kyayo n'omuwendo gw'erinnya lyayo nga bawangudde, nga bayimiridde ku nnyanja y'endabirwamu, nga balina ennanga za Katonda. Ne bayimba oluyimba lwa Musa omuddu wa Katonda, n'oluyimba lw'Omwanza gw'endiga, nga boogera nti Bikulu era bya kitalo ebikolwa byo, Mukama Katonda, Omuyinza w'ebintu byonna; ga butuukirivu era ga mazima amakubo go, ggwe Kabaka ow'emirembe n'emirembe. Ani ataliya, Mukama, n'ataliwa kitiiibwa

erinnya lyo? kubanga ggwe wekka ggwe mutukuvu; kubanga amawanga gonna galija era galisinziza mu maaso go; kubanga ebikolwa byo eby'obutuukirivu birabise. —Okubikkulirwa 15:2-4

Nkukuutirira mu maaso ga Katonda, awa byonna obulamu, ne Kristo Yesu . . . weekuumenga ekiragiro awatali bbala, awatali kya kunenyezebwa, okutuusa ku kulabika kwa Mukama waffe Yesu Kristo: kw'aliraga mu ntuuko zaakwo Nannyini buyinza yekka atenderezebwa, Kabaka wa bakkabaka, era Mukama w'abaami.

—1 Timoseewo 6:13-15

Era ebiramu bwe birimuwa ekitiibwa n'ettendo n'okwebaza oyo atudde ku ntebe, omulamu emirembe n'emirembe, abakadde amakumi abiri mu bana balivuunama mu maaso g'oyo atudde ku ntebe, era balisinza oyo omulamu emirembe n'emirembe, era balisuula engule zaabwe mu maaso g'entebe, nga boogera nti Osaanidde ggwe, Mukama waffe, Katonda waffe, okuweebwanga ekitiibwa n'ettendo n'obuyinza: kubanga ggwe wabitonda byonna, era byabaawo lwa kusiima kwo, era byatondebwa. —Okubikkulirwa 4:9-11

Oluvannyuma lw'ebyo ne ndaba, era laba, ekibiina kinene omu-

ntu yenna ky'atayinza kubala, mu buli ggwanga n'ebika n'abantu n'ennimi, nga bayimiridde mu maaso g'entebe ne mu maaso g'Omwnana gw'endiga, nga bambadde ebyambalo ebyeru, n'amatabi g'enkindu mu mikono gyabwe; ne boogerera waggulu n'eddoboozi ddene, nga boogera nti Obulokozi buba bwa Katonda waffe atudde ku ntebe, n'eri Omwnana gw'endiga. Ne bamalayika bonna baali bayimiridde nga beetoolodde entebe n'abakadde n'ebiramu ebina; ne bavuunama amaaso gaabwe mu maaso g'entebe, ne basinza Katonda.

—Okubikkulirwa 7:9-11

Mukama mukulu, era agwana o-kutenderezebwa ennyo n'obukulu bwe tebunoonyezeka. Emirembe ginaasuutanga emirimu gyo eri emirembe, era ginaatenderanga ebikolwa byo eby'amaanyi. Ku bukulu obw'ekitiibwa obw'etendo lyo, ne ku mirimu gyo egy'ekitalo, kwe nnaalowoozanga. Era abantu banaayogeranga ku biko-lwa byo eby'entiisa nga bya maa-nyi; nange naategeezanga obuku-lu bwo. Banaayatulanga obulungi bwo obungi bwe bujjukirwa, era banaayimbanga ku butuukirivu bwo. Mukama wa kisa ajjudde okusaasira; alwawo okusunguwala era wa kusonyiwa kungi. Mukama

mulungi eri bonne; n'okusaasira kwe okulungi kubuna emirimu gye gyonna. Emirimu gyo gyonna ginaakwebazanga, ai Mukama; n'abatukuvu bo banaakweyanza-nnga. Banaayogeranga ku kitibwa eky'obwakabaka bwo, banaanyu-myanga ku buyinza bwo; okuma-nyisanga abaana b'abantu ebiko-lwa bye eby'amaanyi, n'ekitiibwa eky'obukulu obw'obwakabaka bwe. Mumutendereze Mukama. Mumutendereze Katonda mu watukuvu we: mumutendereze mu bbanga ery'amaanyi ge mumute-ndereze olw'ebikolwa bye eby'a-maanyi

—Zabbuli 145:3-12; 150:1, 2a

MUTENDEREZE OLWANNAMULONDOYE N'AMAANYIGE

Entebe yo, ai Katonda, ya lu-beerera emirembe gyonna

—Zabbuli 45:6a

Bw'ati bw'ayogera Mukama nti Eggulu ye ntebe yange, n'ensi ye ntebe y'ebigere byange.

—Isaaya 66:1a

Naye nange mbagamba nti Tolayiranga n'akatono, newakubadde eggulu, kubanga ye ntebe ya Katonda.

—Matayo 5:34

Mukama yanyweza entebe ye mu ggulu; n'obwakabaka bwe bu-fuga byonna. Mumwebaze Muka-ma, mmwe bamalayika be: mmwe abazira ab'amaanyi, abatuukiriza ekigambo kye, nga muwulira e-

ddoboozi ery'ekigambo kye. Mu-mwebaze Mukama, mmwe mwe-nna eggye lye; abaweereza be, abakola by'ayagala. Mumwebaze Mukama, mmwe mwenna emiri-mu gye, mu bifo byonna by'afugi-ramu: Weebaze Mukama, ggwe e-mmeeme yange. —Zabbuli 103:19-22

Ne ndaba entebe ey'obwakaba-ka ennene enjeru, n'oyo eyali agi-tuddeko, eggulu n'ensi ne bidduka mu maaso ge; n'ekifo kyabyo te-kyalabika. —Okubikkulirwa 20:11

Yesu n'abatunuulira n'abaga-mba nti Mu bantu ekyo tekiyinzi-ka; naye Katonda ayinza byonna.

—Matayo 19:26

Ekifaananyi ky'ekitiibwa kya Mukama ne kiba ng'omuliro ogwaka ku ntikko y'olusozi mu maaso g'abaana ba Isiraeri.

—Okura 24:17

Yeebazibwenga Mukama Katonda, Katonda wa Isiraeri, akola eby'amagero yekka: n'erinnya lye ery'ekitiibwa lyebazibwenga emirrembe gyonna; era ensi zonna zижјuzibwenga ekitiibwa kye. Amiina, era Amiina. —Zabbuli 72:18, 19

Yingira mu lwazi, weekweke mu nfuufu, mu maaso g'entiisa ya Mukama, ne mu maaso g'ekitiibwa ky'obukulu bwe. Okulalambala kw'abantu kuliwanuli-

bwa, n'amalala g'abantu galikutamizibwa, era Mukama yekka ye aligulumizibwa ku lunaku olwo.

—Isaaya 2:10, 11

N'ekitiibwa kya Mukama kiribikkulibwa, ne bonna abalina omubiri balikirabira wamu: kubanga akamwa ka Mukama ke kakyogedde.

—Isaaya 40:5

Enjuba si yeeneebanga nate omusana gwo emisana; so n'omwezi si gwe gunaakwakiranga olw'okumasamasa: naye Mukama ye anaabeeranga gy'oli omusana ogutaliggwaawo, era Katonda wo ye anaabanga ekitiibwa kyo.

—Isaaya 60:19

***Bonna Mukristo Baberera
Emirembe Gyonna***

Kubanga okufa bwe kwabaawo ku bw'omuntu, era n'okuzuukira kw'abafu kwabaawo ku bwa muntu. Kuba bona nga bwe baafiira mu Adamu, era bwe batyo mu Kristo bona mwe balifuukira abalamu. Naye buli muntu mu kifo kye ye: Kristo gwe mwaka omubereberye; oluvannyuma aba Kristo mu kujja kwe. Enkomerero n'eryoka etuuka bw'aliwaayo o-bwakabaka eri Katonda ye Kitaa-we; bw'aliba ng'amaze okuggyawo okufuga kwonna n'amaanyi gonna n'obuyinza. Kubanga kimugwanira okufuganga okutuu-

sa lw'alissa abalabe be bona wansi w'ebigere bye. Omulabe ow'enkomerero aliggibwawo, kwe kufa. —1 Abakkolinso 15:21-26

***Kunkomerero Kigobera
Sitaani Ebweru***

Kaakano ensi eno esalirwa omusango; kaakano omukulu w'ensi eno anaagoberwa ebweru.

—Yokaana 12:31

N'omulyolyomi eyabalimbanga n'asuulibwa mu nnyanja ey'omuliro n'ekibiriiiti, era omuli ensolo ne nnabi ow'obulimba; era banaabonyaabonyezebwanga emisana n'ekiro emirembe n'emirembe.

—Okubikkulirwa 20:10

MUTENDEREZE OLW'OBUFUZI BWE OBW'EKITALO 13

Kubanga ggwe, Mukama, oli waggulu nnyo ku nsi zonna: oglumizibwa okusinga ennyo baktonda bona.
—Zabbuli 97:9

Balyoke bategeerenga nga ggwe wekka, erinnya lyo YAKUWA, oli waggulu nnyo ng'ofuga ensi yonna.
—Zabbuli 83:18

Mukama atta n'alamya: asengesa mu magombe n'alinnisa okuvaayo. Mukama ayavuwaza era agaggawaza: assa wansi, era ye agulumiza. Ayimusa abaavu okubaggya mu nfuufu, asitula abetaaga okubaggya mu lubungo, okubatuza awamu n'abalangira, basikire entebe ey'ekitiibwa: Ku-

banga empagi z'ensi za Mukama, era yateeka ebintu byonna okwo.
—1 Samwiri 2:6-8

Mukama afuga; ayambadde obukulu: Mukama ayambadde, yesibye amaanyi: era ensi enyewdde n'okuyinza n'eteyinza kusagaasagana. Entebe yo yanywera edda n'edda lyonna: obeererawo okuva emirembe n'emirembe.

—Zabbuli 93:1, 2

Kubanga kyawandiikibwa nti nga bwe ndi omulamu, bw'ayogera Mukama, buli vviivi lirinfukamirira, na buli lulimi lulyatula Kattonda.
—Abaruumi 14:11

14 KATONDA WAFFE OMUKULU AGULUMIZIBWA

Musirike mumanye nga nze Katonda: naagulumizibwanga mu mawanga, naagulumizibwanga mu nsi. —Zabbuli 46:10

Mukama ali waggulu okusinga amawanga gonna, n'ekitiibwa kye okusinga eggulu. —Zabbuli 113:4

Ogulumizibwenga, ai Mukama, mu maanyi go: tulyoke tuyimbe-nга tutenderezenga obuyinza bwo. —Zabbuli 21:13

Mumugulumizenga Mukama Katonda waffe, era musinzizenga ku ntebe y'ebigere bye: ye mutukuvu. —Zabbuli 99:5

Kubanga bw'atyo bw'ayogera

oyo ali waggulu omugulumivu atuula mu butaliggwaawo, erinnya lye Mutukuvu, nti Ntuula mu kifo ekigulumivu ekitukuvu, era wamu n'oyo alina omwoyo oguboneredde omukkakkamu, okulamya omwoyo gw'abakkakkamu, n'okulamya omutima gw'abo ababoneredde. —Isaaya 57:15

Mukama agulumizibwa kubanga atuula waggulu: ajjuzizza Sayuuni omusango n'obutuukirivu. —Isaaya 33:5

Bakugulumize, ai Katonda, okusinga eggulu; ekitiibwa kyo kibere ku nsi zonna. —Zabbuli 57:11

MUTENDEREZE OLW'OBUKULU OBW'OBWANANYINI

15

Kale, kaakano, bwe munaawuli-ranga eddoboozi lyange ddala, ne mukwata endagaano yange, bwe mutyo munaabanga ekintu kyan-ge ekiganzi mmwe mu mawa-nnga gonna: kubanga ensi yo-nna yange.

—Okuva 19:5

So ensi tetundibwanga okugivii-ramu ddala ennaku zonna; ku-banga ensi yange: kubanga muli-bagenyi era abayise gye ndi.

—Eby'abaleevi 25:23

... kubanga byonna ebiri mu ggulu n'ebiri mu nsi (bibyo); obwa-kabaka bubwo, ai Mukama, era ogulumizibwa okuba omutwe gwa byonna.... Naye nze ani n'aba-

ntu bange kye ki, ffe okuyinza okuwaayo bwe tutyo ku bwaffe ddala? kubanga byonna biva gyro-li, era tukuwadde ku bibyo.

—1 Ebyomumirembe 29:11b ne 14

Ge yakoza mu Kristo, bwe yamuukiza mu bafu, n'amutuuza ku mukono gwe ogwa ddyo mu bi-fo eby'omu ggulu, waggulu nnyo okusinga okufuga kwonna n'obu-yinza n'amaanyi n'obwami na buli-linnya eryatulwa si mu mirembe gino gyokka naye ne mu egyo egi-genda okujja: n'ateeka byonna wansi w'ebigere bye, n'amuteekawa okuba omutwe ku byonna eri ekkanisa.

—Abaefeso 1:20-22

Ggwe Mukama, ggwe wekka; ggwe wakola eggulu, eggulu erya waggulu, n'eggye lyalyo lyonna, ensi n'ebintu byonna ebiri okwo, ennyanja ne byonna ebiri omwo, era ggwe obikuuma byonna; n'eggye ery'omu ggulu likusinza.

—Nekkemiya 9:6

Naakutenderezanga, ai Mukama Katonda wange, n'omutima gwange gwonna; era naagulumizanga erinnya lyo emirembe gyonna.

—Zabbuli 86:12

Nze Mukama; eryo lye linnya lyange; n'ekitiibwa kyange sirikawa mulala, newakubadde ettendo

lyange eri ebifaananyi ebyole.

—Isaaya 42:8

Naye gye tuli waliwo Katonda omu, Kitaffe, omuva byonna, naffe tuli ku bw'oyo; ne Mukama waffe omu, Yesu Kristo, abeesawo byonna, era atubeesaawo ffe.

—1 Abakkolinso 8:6

Kale mazima bamanye enyumba yonna eya Isiraeri nti Katonda yamufula Mukama era Kristo, Yesu oyo gwe mwakomerera.

—Ebikolwa By'abatume 2:36

Era buli lulimi Iwatulenga nga Yesu Kristo ye Mukama waffe, Katonda Kitaffe aweebwe ekitiibwa.

—Abafiripi 2:11

Buli ampa ssaddaaka ey'okwebaza angulumiza; naye alongoosa obulungi ekkubo lye ndimulaga obulokozi bwa Katonda. Naatenderezanga erinnya lya Katonda n'oluyimba, naamugulumizanga n'okwebaza. —Zabbuli 50:23; 69:30

Ggwe oli Katonda wange, nange naakwebazanga: ggwe oli Katonda wange, naakugulumizanga.

—Zabbuli 118:28

Mulyoke muwenga ekitiibwa Katonda, Kitaawe wa Mukama waffe Yesu Kristo, n'omwoyo ogumu n'akamwa akamu.

—Abaruumi 15:6

Mumuwe Mukama ekitiibwa erinnya lye kye lisaanira; mumusi-

nze Mukama mu butuukirivu obuwooma. —Zabbuli 29:2

Mmwe abatya Mukama, mumutenderezenga; mmwe mwenna ezzadde lya Yakobo, mumugulumizenga; mumutyenga mmwe mwenna ezzadde lya Isiraeri.

—Zabbuli 22:23

Omuntu yenna bw'ayogeranga, ayogerenga ng'ebiragiro bya Katonda bwe biri; omuntu yenna bw'aweerezanga, aweerezenga ng'amaanyi Katonda g'amuwa bwe gali: mu byonna Katonda agulumizibwenga ku bwa Yesu Kristo, alina ekitiibwa n'obuyinza emirembe n'emirembe. Amiina.

—1 Peetero 4:11

18 LANGIRIRA EKITIBWA KYE ERA N'OBUKULUBWE

Mubuulirenga ekitiibwa kye mu mawanga, eby'amagero bye mu bantu bona. Kubanga Mukama mukulu, era agwana okutenderezebwa ennyo: agwana okutiibwanga okusinga bakatonda bona.

—Zabbuli 96:3, 4

Bakugulumize, ai Katonda, okusinga eggulu; ekitiibwa kyo kibere ku nsi zonna. —Zabbuli 57:5

Nti Ai Mukama Katonda, otanudde okulaga omuddu wo obuku-
lu bwo n'omukono gwo ogw'ama-
anyi: kubanga katonda ki ali mu
ggulu oba mu nsi ayinza okukola
ng'emirimu gyo bwe giri era ng'e-
bikolwa byo eby'amaanyi bwe bi-
ri? —Ekyamateeka Olw'okubiri 3:24

Yimbira waggulu ekitiibwa
eky'erinnya lye: gulumiza ettendo
lye libe n'ekitiibwa. —Zabbuli 66:2

Musanyukire Mukama, mmwe
abatuukirivu: okutendereza ku-
saanira abalina omwoyo ogw'ama-
zima. —Zabbuli 33:1

Emmeeme yange eneenyumiriri-
zanga mu Mukama: abawombeefu
baliwulira, balisanyuka.

—Zabbuli 34:2

Omutima gwange gunyweddde,
ai Katonda; Naayimba, weewaa-
wo, naayimba okutendereza, na-
ayimba n'ekitiibwa kyange....O-
gulumizibwe, ai Katonda, okusi-
nga eggulu: n'ekitiibwa kyo okusi-
nga ensi zonna. —Zabbuli 108:1 ne 5

TENDERESA KATONDA OLW'EBIGENDERERWA BYE 19

Kaakano abaamasaza n'ab'obuyinza mu bifo eby'omu ggulu batgeeezebwé mu kkanisa amagezi amangi aga Katonda ag'engeri ennyingi, ng'okumalirira bwe kuli mu Kristo Yesu Mukama waffe.

—Abaefeso 3:10, 11

Mu oyo naffe mwe twafuukira obusika, bwe twayawulibwa edda mu kumalirira kw'oyo akoza byonna nga bw'ayagala mu kuteesa kwe.

—Abaefeso 1:11

Kubanga nga tebannazaalibwa, so nga tebannakola kirungi oba kibi, okuteesa kwa Katonda mu kulonda kulyoke kunywere, si lwa bikolwa, wabula ku bw'oyo ayita.

—Abaruumi 9:11

Mukama ow'eggye alayidde, ng'ayogera nti Mazima nga bwe nnalowooza, bwe kirituukirira bwe kityo; era nga bwe nnateesa, bwe kirinywera bwe kityo; ndime-nyera Omwasuli mu nsi yange, era ndimulinnyira n'ebigere ku nsozi zange: kale ekikoligo kye kribavaako, n'omugugu gwe guliva ku kibegabega kyabwe. Okwo kwe kuteesa okwateesebwa ku nsi yonna: era ogwo gwe mukono ogwagololwa ku mawanga gonna.

—Isaaya 14:24-26

Omwana wa Katonda kyeyava alabisibwa amalewo ebikolwa bya Setaani.

—I Yokaana 3:8b

TENDERESA KATONDA OLW'EMIRIMU GGYE EMIKULU

Bwe ndowooza eggulu lyo, omulimu gw'engalo zo, omwezi n'emmunyeenye, bye walagira; omuntu kye kiki, ggwe okumujjukira, oba omwana w'omuntu, ggwe okumujjira? —Zabbuli 8:3, 4

Eggulu lyogera ekitiibwa kya Katonda: n'ebbangga libuulira emirimu gy'emikono gye.

—Zabbuli 19:1

Ndyoke mpulirizenga eddoboozi ery'okwebaza, njogerenga ku bikolwa byo byonna eby'ekitalo.

—Zabbuli 26:7

Ebikolwa eby'ekitalo bye wakola, ai Mukama Katonda wange, bi-

ngi, n'ebirowoozo byo ebiri gye tulii: tebiyinzika kukulongookera kinnakimu; singa mbadde njagala okubibuulira n'okubyoyerako, tebibalika obungi. —Zabbuli 40:5

Naakwebazanga; kubanga okukolebwa kwange kwa ntiisa, kwa kitalo: emirimu gyo gya kitalo; n'ekyo emmeeme yange ekimanyiddde ddala. —Zabbuli 139:14

Emirimu gya Mukama mikulu, ginoonyezebwa abo bona abagisanyukira. Omulimu gwe gwa kitiiibwa, gwa bukulu: n'obutuukirivu bwe bubeerera emirembe gyonna. —Zabbuli 111:2, 3

MUTENDEREZE OLW'OKWAGALA KWE ERA N'AMAKUBOGE

Si nga mu kuweereza okw'oku-n-gulu, ng'abaagala okusiimibwa-n-ga abantu; naye ng'abaddu ba Kristo, nga mukolanga n'omwoyo Katonda by'ayagala.

—Abaefeso 6:6

Omuntu bw'ayagala okukola oli by'ayagala, alitegeera okuyigiriza kuno oba nga kwava eri Katonda . . .

—Yokaana 7:17a

Kubanga buli akola Kitange ali mu ggulu by'ayagala, ye muganda wange, ye mwannyinaze, ye mmange.

—Matayo 12:50

*Olw'amakuboge Amakulu
Ennyo*

Obuziba bw'obugagga obw'a-

magezi n'obw'okumanya kwa Katonda tomanyi bwe buli! emisan-go gye nga tegikeberekeka, n'amakubo ge nga tegekkaanyizika!

—Abaruumi 11:33

Katonda, ekkubo lye lyatuukiri-ra: ekigambo kya Mukama kya-kettebw-a.

—Zabbuli 18:30a

Kuba eggulu nga bwe lisinga ensi obugulumivu, amakubo ga-nge bwe gasinga bwe gatyo ama-kubo gammwe.

—Isaaya 55:9a

. . . mmutendereza era mmugulumiza era mmuwa ekitiibwa Kabaka w'eggulu: kubanga emirimu gye gyonna mazima, n'amakubo ge ga nsonga.

—Danyeri 4:37a

Mumuwe Mukama ekitiibwa ekigwanira erinnya lye: muleete ssaddaaka, mujje mu mpya ze. Kale mumusinze Mukama mu bulungi obw'obutukuvu. Mukankane mu maaso ge, mmwe ensi zonna. Ng'erinnya lyo bwe liri, ai Katonda, ettendo lyo bwe liri bwe lityo okutuusa enkomerero yensi

—Zabbuli 96:8, 9; 48:10a

Era ku lunaku luli mulyogera nti Mwebaze Mukama, mukoowole erinnya lye, mubuulire ebikolwa bye mu mawanga, mwogere erinnya lye ligulumizibwe.

—Isaaya 12:4

Bw'otookwatenga bigambo byonna eby'omu mateeka gano ebiwa-

ndiikiddwa mu kitabo kino okubi-kolanga, olyoke otyenga erinnya lino ery'ekitiibwa era ery'entiisa, Mukama Katonda wo; awo Mukama anaafuulanga ebibonyoobonyo eby'ekitalo, n'ebibonyo-obonyo by'ezzadde lyo, ebibonyo-obonyo ebinene era ebirwawo ennyo, era endwadde enkambwe era ezirwawo ennyo.

—Ekyamateeka Olw'okubiri 28:58, 59

N'akolanga bw'atyo ennaku nnyingi. Naye Pawulo, bwe yana-kuwala ennyo, n'akyuka n'agamba dayimooni nti Nkulagira mu linnya lya Yesu Kristo omuveeko. N'amuvaako mu kiseera ekyo.

—Ebikolwa By'abatume 16:18

Mukama n'akkira mu kire, n'a-yimirira eyo wamu naye, n'atendera erinnya lya Mukama.

—Okuva 34:5

Muyimirire mwebaze Mukama Katonda wammwe okuva emirembe gyonna n'okutuusa emirembe gyonna: era erinnya lyo ery'e-kiitiibwa lyebazibwe erigulumizibwa okusinga okwebaza kwonna n'okutendereza. —Nekkemiya 9:5b

Bitendereze erinnya lya Mukama: kubanga yalagira, ne bitondebwa. . . . Batendereze erinnya lya Mukama; kubanga erinnya lye ye-kka lye ligulumizibwa: ekitiibwa kye kiri kungulu ku nsi ne ku ggulu. —Zabbuli 148:5 ne 13

Mumutendereze Mukama; kubanga Mukama mulungi: muyimbe okutendereza erinnya lye; kubanga lya ssanyu. —Zabbuli 135:3

Mu Katonda mwe twenylumiriza obudde okuziba, era tuneebazanga erinnya lyo emirembe gyonna. (Seera.) —Zabbuli 44:8

Ssaddaaka ey'omwoyo ogw'e-ddembe gye ndikuwa ggwe: neebazanga erinnya lyo, ai Mukama, kubanga ddungi. —Zabbuli 54:6

Kale munaalyanga bingi nnyo, ne mu kkuta, ne mutendereza erinnya lya Mukama Katonda wammwe eyabakola eby'ekitalo: n'abantu bange tebalikwatibwa nsonyi ennaku zonna. —Yoweeri 2:26

Neebazanga Mukama olw'obutuukirivu bwe: naayimbanga okutendereza erinnya lya Mukama ali waggulu ennyo. —Zabbuli 7:17

Laba, omuwala atamanyi musajja aliba olubuto, era alizaala omwana wa bulenzi, balimutuum erinnya lye Emmanweri; eritegeezewba nti Katonda ali naffe.

—Matayo 1:23

Ai Mukama, Mukama, waffe, erinnya lyo nga ddungi nnyo mu nsi zonna!

—Zabbuli 8:9

Era Katonda kyeyava amugulumiza ennyo n'amuwa erinnya liri erisinga amannya gonna; buli vvi-

ivi lifukaamirirenga erinnya lya Yesu, ery'ebi'omu ggulu n'ebi'oku nsi n'ebya wansi w'ensi.

—Abafiripi 2:9, 10

Mumukuze Mukama wamu nange, tugulumize erinnya lye fenna.

—Zabbuli 34:3

Batendereze erinnya lyo ekkulu era ery'entiisa. Ye mutukuvu.

—Zabbuli 99:3

Erinnya lya Mukama lyebazibwenga okuva leero okutuusa emirembe gyonna. Okuva mu buvanjuba okutuuka mu bugwanjuba erinnya lya Mukama ligwana okutenderezbwanga.

—Zabbuli 113:2, 3

AGAMU KU MANNYA GA KRISTO N'EBITIBWA BYE 25

**Olw'amaanyi G'obufuzi Bwe
Obutali Ggwawo**

Alufa Ne Omega Nanyini Buyinza

—Okubikkulirwa 1:8

Wamukisa Era Yasobozesa Yekka

—1 Timoseewo 6:15

Kristo Ye Mukama—Lukka 2:11

Kristo G'emaanyi Ga Katonda Era

G'emagezi Ga Katonda

—1 Abakkolinso 1:24

Imanueri (Katonda Ali Wamu Naffe)

—Matayo 1:23

Katonda—Yokaana 1:1

Katonda Wensi Yonna—Isaaya 54:5

Omufuzi—Matayo 2:6

**Omufuzi Aseomba Yo Mu Bufuzi Bwonna
N'amaanyi Gonna**—Abakkolosaayi 2:10

Ndi—Yokaana 8:58

Omusazi W'omusango Gw'abalamu

N'abafu—Ebikolwa By'Abatume 10:42

Kabaka Ow'ekitibwa—Zabbuli 24:7, 10

Kabaka Wa Bakabaka, Era Mukama

Wa Bakama—Okubikkulirwa 19:16

Mukama Okuva Muggulu

—1 Abakkolinso 15:47

Mukama W'eggye

—Isaaya 54:5; Zabbuli 24:10

Mukama Katonda Omuyiinza Wabyonna

—Okubikkulirwa 15:3

Mutukuvu Nnyo—Danyeri 9:24

Mwana Wa Katonda—Yokaana 9:35-37

Wa Kitalo, Ateesa Ebigambo, Katonda

Ow'amaanyi Kitaffe Ataggwaawo,

Omukulu Ow'emirembe—Isaaya 9:6

26 AGAMU KU MANNYA GA KRISTO N'EBITIBWA BYE

Y'ani Eri Ensi

Mulabirizi Wamyoyo—1 Peetero 2:25

Ayagala Amawanga Gonna—Kaggayi 2:7

Mukwano W'abonoonyi—Matayo 11:19

Omujulizi Ow'amazima

—*Okubikkulirwa 1:5*

Kabaka W'ensi Yonna—Zekkaliya 14:9

Mukama Wa Bonna

—*Ebikolwa By'Abatume 10:36*

Omulangira Wa Bakaba B'ensi

—*Okubikkulirwa 1:5*

Omutango Gwa Bonna

—*1 Timoseewo 2:6*

Omulamuzi Ow'amazima

—*2 Timoseewo 4:8*

Omulokozi W'ensi—Yokaana 4:42

Omwana W'omuntu—Matayo 8:20

Ejjinja Elyaaganwa—Matayo 21:42

Ng'omulokozi

**Omutandisi W'obulokozi Obutaggwaawo
—Abaebbulaniya 5:9**

Ekirabo Kya Katonda—Yokaana 4:10

Yesu Kristo Mulokozi Waffe—Tito 3:6

Mukama Ow'ekitibwa

—*1 Abakkolinso 2:8*

Masiya—Yokaana 1:41

Omulangira Masiya—Danyeri 9:25

Saddaka N'ekiwebwayo—Abaefeso 5:2

Omununuizi—Isaaya 59:20

Okuzukiira N'obulamu—Yokaana 11:25

Omulokozi, Yesu Kristo

—*2 Timoseewo 1:10*

Omusana Gw'obutukirivu—Malaki 4:2

AGAMU KU MANNYA GA KRISTO N'EBITIBWA BYE

27

Y'ani Eri Abakiiza

Omutandisi Era Omumaliriza

W'okukiirza—Abaebbulaniya 12:2

Muwolereza—1 Yokaana 2:1

Mugaati Gwa Bulamu—Yokaana 6:48

Ttabi Lya Butukirivu—Yeremiya 33:15

Mugole—Matayo 9:15

Jinja Lyakunsonda—Abaefeso 2:20

Omusumba Omukulu—1 Peetero 5:4

Mulyango Gwa Ndiga

—Yokaana 10:7, 9

Bulamu Butaggwaawo

—1 Yokaana 5:20

Katonda No Mulokozi, Yesu Kristo

—2 Peetero 1:1

Kabona Omukulu—Abaebbulaniya 3:1

Esuubi Lya Kitibwa

—Abakkolosaayi 1:27

Kabaka W'abatuukuvu

—Okubikkulirwa 15:3

Musana Gwa Nsi—Yokaana 8:12

Mukama W'obutukirivu

—Yeremiya 23:6

Omutabaganya—1 Timoseewo 2:5

Omulangira Era Omulokozi

—Ebikolwa By'Abatume 5:31

Omulangira W'emirembe—Isaaya 9:6

Naabi—Lukka 24:19

Omwooyo Akubiriza

—1 Abakkolinso 15:45

Omununuizi—Zabbuli 19:14

Omusana Ogw'amazima—Yokaana 1:9

MUTENDEREZE MUKAMA OLW'EKIGAMBO KYA KATONDA

Okubiriza Kwa Katonda

Buli ekyawandiikibwa kirina okuluŋŋamya kwa Katonda, era kigasa olw'okuyigirizanga, olw'okunenyanga, olw'okutereezanga, olw'okubuulira okuli mu butuukirivu.

—2 Timoseewo 3:16

Yawa Obulamu Obutagwawo

Eri Abakiriza

Akkiriza Omwana alina obulamu obutaggwaa wo; naye atakkiriza Mwana, taliraba bulamu, naye obusungu bwa Katonda bubeera ku ye.

—Yokaana 3:36

Ebyo mbiwandiikidde mmwe, mumanye nga mulina obulamu

obutaggwaa wo, mmwe abakkiriza erinnya ly'Omwana wa Katonda.

—1 Yokaana 5:13

Naye buno bwawandiikibwa, mulyoke mukkirize nti Yesu ye Kristo, Omwana wa Katonda; era bwe mukkiriza mube n'obulamu mu linnya lye.

—Yokaana 20:31

Waamaanyi Nnyo

Ekigambo kyange tekifaanana muliro? bw'ayogera Mukama; era tekifaanana nnyondo eyasaayasa olwazi?

—Yeremiya 23:29

Kubanga enjiri tenkwasa nsonyi: kubanga ge maanyi ga Katonda olw'okulokoka eri buli akkiriza.

—Abaruumi 1:16a

MUTENDEREZE MUKAMA OLW'EKIGAMBO KYA KATONDA

29

Mutukuvu Nnyo

Buli kigambo kya Katonda ki-kemebwa. —Engero 30:5a

Obwesigwa Obujjuvu Ddala

Etteeka lya Mukama lyatuukirira, erikomyawo emmeeme: okutegeeza kwa Mukama kunywevu, okuwa abasirusiru amagezi.

—Zabbuli 19:7

Kubanga mbagamba mazima nti Eggulu n'ensi okutuusa lwe biringwaawo, ennukuta emu newakubadde akatonnyeze akamu a-k'omu Mateeka tekaliggwaawo, okutuusa byonna lwe birimala okutuukirira. —Matayo 5:18

Omutindo Gw'amazima Gaffe

Kigambo n'afuuka omubiri, n'abeerako gye tuli (ne tulaba ekitiibwa kye, ekitiibwa ng'ekyoyo eyazaalibwa omu yekka Kitaffe), ng'ajjudde ekisa n'amazima.

—Yokaana 1:14

Yesu n'amugamba nti Nze kku-bo, n'amazima n'obulamu: tewali ajja eri Kitange, wabula ng'ayita mu nze. —Yokaana 14:6

Omuddo guwotoka, ekimuli kiyongobera: naye ekigambo kya Katonda waffe kinaanyweranga ennaku zonna. —Isaaya 40:8

Ekigambo kyo ye ttabaaza eri ebigure byange, n'omusana eri ekkubo lyange. —Zabbuli 119:105

Kijjude Ebingererwa

Kubanga byonna ebyawandiiki-bwa edda, byawandiikibwa kutu-yigiriza ffe, tulyoke tubeerenga n'okusuubira olw'okugumiikiriza n'olw'okusanyusa kw'ebyawandi-ikibwa.

—Abaruumi 15:4

Olkwagala Kw'abantu

Ba Katonda

Ekigambo kyo kirongoofu nnyo; omuddu wo kyava akyagala.

—Zabbuli 119:140

Ye Mmere Yaffe

... akutegeeze ng'omuntu taba mulamu na mmere yokka, naye olwa buli ekiva mu kamwa ka Mu-

kama omuntu kyava aba omula-mu.—Ekyamateeka Olw'okubiri 8:3b

Ng'abaana abawere abaakajja bazaalibwe, mwegombenga amata ag'omwoyo agataliimu bulimba, galyoke gabakuze okutuuka ku bulokovu.

—1 Peetero 2:2

Kyakulwanyisa

Kubanga ekigambo kya Katonda kiramu, era kikozi, era kisala okusinga buli kitala kyonna eky'obwogi obubiri, era kiyitamu n'okwawula ne kyawula obulamu n'omoyo, ennyingo n'obusomyo, era kyangu okwawula okulowooza n'okufumiitiriza okw'omu mutima.

—Abaebbulaniya 4:12

Kubanga kino gwe musaayi gwange ogw'endagaano, oguyiika ku lw'abangi olw'okuggyawo ebi-bi.

—Matayo 26:28

... bwe baamala okulya, ng'a-yogera nti Ekikompe kino ye ndagaano empya mu musaayi gwange: mukolenga bwe mutyo buli lwe munaanywangako, olw'okunjijukiranga nze.

—1 Abakkolinso 11:25

Alya omubiri gwange, era anywa omusaayi gwange, alina obulamu obutaggwaawo.

—Yokaana 6:54a

Mulowooza mutya, okubonerezebwa oyo kw'alisaanyizibwa kulyenkana wa okusinga okuba oku-

bi eyalinnyiririra ddala Omwana wa Katonda, n'alowooza omusaayi gw'endagaano ogwamutukuza obutaba mutukuvu, n'agirira e-kyejo Omwoyo ow'ekisa?

—Abaebbulaniya 10:29

Naye Katonda ow'emirembe, eyakomyawo okuva mu bafu omusumba w'endiga omukulu olw'omusaayi ogw'endagaano ey'olu-beerara, ye Mukama waffe Yesu.

—Abaebbulaniya 13:20

Nabo baamuwangula olw'omusaayi gw'Omwanagw'endiga, n'olw'ekigambo eky'okutegheeza kwabwe; ne batayagala bulamu bwabwe okutuusa okufa.

—Okubikkulirwa 12:11

**Katonda Wange Oyo Omulungi
Yafa Kulwange**

Ku kino kwe tutegeerera okwagala, kubanga oyo yawaayo obulamu bwe ku lwaffe. —1 Yokaana 3:16a

**Ye Muyiinza Wa
Byonna Eyazuukiira**

Yesu n'amugamba nti Nze kuzuukira, n'obulamu: akkiriza nze, newakubadde ng'afudde, aliba mulamu: na buli muntu mulamu akkiriza nze talifa emirembe n'emirembe. Okkiriza ekyo?

—Yokaana 11:25, 26

**Yeyamaliriza Obununuzi
Bwange**

Mwekuumenga mmwe mwekka n'ekisibo kyonna Omwoyo Omu-

tukuvu mwe yabateeka mmwe okuba abalabirizi, okulundanga ekkanisa ya Katonda gye yeegulira n'omusaayi gwe yennyini.

—Ebikolwa By'Abatume 20:28

Bwe mwazaalibwa omulundi ogw'okubiri, si na nsigo eggwaawo, wabula eteggwaawo, n'ekigambbo kya Katonda ekiramu eky'o-lubeerera.

—1 Peetero 1:23

Kale kaakano tebaliiko musango abali mu Kristo Yesu.

—Abaruumi 8:1

Katonda teyalonda abalina obwavu bw'omu nsi okubeeranga n'obugagga obw'okukkiriza, n'okusikira obwakabaka bwe yasubiza abamwagala? —Yakobo 2:5b

Olw'obulokozi Okuva Mu Kibi

Era mumanyi ng'oyo yalabisibwa era aggyewo ebibi; ne mu yetemuli kibi. —1 Yokaana 3:5

Olw'obulozi Okuva Mukuzikirira

N'omukka ogw'okubonyaabonyezebwakwabwe gunyooka emirembe n'emirembe; so tebalina kuwummula emisana n'ekiro abasinzensa ensolo n'ekifaananyi kyayo, na buli akkiriza enkovu y'erinnya lyayo. —Okubikkulirwa 14:11

Olw'obulokozi Obukulu

Obwenkanidde Awo

Era tumanyi nga Omwana wa Katonda yajja n'atuwa amagezin'okutegeera tutegeera ow'amazi-

ma, era tuli mu oyo ow'amazima, mu Mwana we Yesu Kristo. Oyo ye Katonda ow'amazima, n'obulamu obutaggwaawo.

—1 Yokaana 5:20

Olw'obulokozi, Kikakafu Ate Kyalubeerera

Endiga zange ziwlira eddoboozi lyange, nange nzitegeera, era zingoberera; nange nziwa obulamu obutaggwaawo; so teziribula emirembe n'emirembe, so tewali alizisikula mu mukono gwange.

—Yokaana 10:27, 28

Buno bwe balamu obutaggwaawo, okutegeera ggwe Katonda omu ow'amazima, n'oyo gwe watuma, Yesu Kristo. —Yokaana 17:3

Olw'okuyitibwa Eri Okwenenya

Awo Yesu bwe yawulira n'abagamba nti Abalamu tebeetaaga musawo, wabula abalwadde: sajja kuyita batuukirivu wabula abalina ebibi.

—Makko 2:17

***Olw'obulokozi Ng'okkiriza
Yesu***

Ne bagamba nti Kkiriza Mukama waffe Yesu, onoolokoka ggwe n'ennyumba yo.

—Ebikolwa By'Abatume 16:31

***Olw'ekuggyawo Okuuuunya
Kw'okufa***

Ggwe okufa, okuwangula kwo kuli luuyi wa? Ggwe okufa, okulumma kwo kuli luuyi wa? Okuluma

kw'okufa kye kibi; n'amaanyi g'ekibi ge mateeka: naye Katonda yeebazibwe, atuwanguza ffe ku bwa Mukama waffe Yesu Kristo.

—1 Abakkolinso 15:55-57

***Olw'ekkubo Lyokka
Ery'obulokozi***

Yesu . . . nti Ddala ddala nkugamba nti Omuntu bw'atazaalibwa mulundi gwa kubiri tayinza kulaba bwakabaka bwa Katonda.

—Yokaana 3:3

Mukama ge maanyi gange, era lwe luyimba lwange, anfuukidde obulokozi bwange: ono ye Katonda wange, nange ndimutendereza; ye Katonda wa kitange, nange ndimugulumiza.

—Okuva 15:2

Olw'okussa Ekimu Ne Kristo

Kye twalaba ne tuwulira, kye tubabuulira nammwe, nammwe mulyoke musse ekimu naffe; era naye okussa ekimu kwaffe kuli ne Kitaffe era n'Omwana we Yesu Kristo.

—1 Yokaana 1:3

Laba, nnyimiridde ku luggi, nneeyanjula: omuntu yenna bw'a-wulira eddoboozi lyange, n'aggulawo oluggi, nnaayingira gy'ali, era nnaaliira wamu naye, naye nange.

—Okubikkulirwa 3:20

Mukama aba kumpi abo bona abamukaabira, bona abamukaabira n'amazima.

—Zabbuli 145:18

Kubanga we baba ababiri oba basatu nga bakuŋgaanye mu linnya lyange, nange ndi awo wakati waabwe.

—Matayo 18:20

Katonda mwesigwa, eyabayisa okuyingira mu kusseekimu kw'Omwana we Yesu Kristo Mukama waffe.

—1 Abakkolinso 1:9

Ku lunaku olwo mulitegeera mmwe nga nze ndi mu Kitange, nammwe mu nze, nange mu mmwe.

—Yokaana 14:20

Era akwata ebiragiro bye abeera mu ye, naye mu ye. Era ku kino kwe tutegeerera ng'abeera mu ffe, olw'Omwoyo gwe yatuwa.

—1 Yokaana 3:24

**Mumutendereze Obutasalako
Olw'obutuukirivubwe
N'obulokozi**

Naye naasuubiranga ennaku zonna, era naayongeranga okukutenderezanga bulijjo. Akamwa kange kanaatenderanga obutuukirivu bwo, n'obulokozi bwo okuzibya obudde . . . Era n'obutuukirivu bwo, ai Katonda, bugulumivu nnyo: ggwe eyakola ebikulu, Ai Katonda, afaanana nga ggwe ani? —Zabbuli 71:14, 15a ne 19

Obununuizi N'okuyayana

Kale, mmwe amawanga, mu mwebazenga Katonda waffe, mu wulize eddoboozi erimutendereza.

—Zabbuli 66:8

Eyeewaaayo ku lwaffe, alyoke atununule mu bujeemu bwonna, era yeerongooseze eggwanga ery'envuma, erinyiikirira ebikolwa ebirungi. —Tito 2:14

Ebyo mbibabuulidde, mube n'emirembe mu nze. Mu nsi mulina ennaku: naye mugume; nze mpangudde ensi. —Yokaana 16:33

**Obuvumu Olw'omusaayi
Gwa Yesu**

Kale ab'oluganda, bwe tulina obugumu okuyingira mu kifo ekitukuvu olw'omusaayi gwa Yesu, mu kkubo lye yatukubira, eriggya eddamu, eriyita mu ggigi, gwe mubiri gwe.

—Abaebbulaniya 10:19, 20

Mponya, ai Mukama, kale lwe nnaawona; ndokola, kale lwe nna-alokoka: kubanga ggwe oli ttendo lyange.

—Yeremiya 17:14

Ye Ly'essuubi Lyange

Nga tulindirira essuubi ery'o-mukisa n'okulabika kw'ekitiiibwa kya Katonda omukulu era Omulokozi waffe Yesu Kristo. —Tito 2:13

Ye Bwe Bulamu Bwaffe Obw'emirembe Gyonna

Nga bwe wamuwa obuyinza ku balina omubiri bona, era bona be wamuwa, abawe obulamu obutaggwaawo.

—Yokaana 17:2

Ebibala Eby'obutuukirivu Ku Lulwe

Nga mujjudde ebibala eby'obu-

tuukirivu, ebiriwo ku bwa Yesu Kristo, Katonda aweebwe ekitiibwa, atenderezebwé.

—Abafiripi 1:11

Abaana Abawaayo Etendo Eritukiridde

Naye bakabona abakulu n'abawandiisi bwe baalaba eby'amagero bye yakola, n'abaana abaayogerera waggulu mu yeekaalu nga bagamba nti Ozaana eri omwana wa Dawudi; ne banyiiga ne bamugamba nti Owulira bano bwe bagamba? Yesu n'abagamba nti Mpulira: temusomangako nti Mukamwa k'abaana abato n'abawere otuukirizza ettendo?

—Matayo 21:15-16

MUTENDEREZE MUKUGEZESEBWA KWO KUKUKIRIZA

Amaanyi ga Katonda be gakuumma olw'okukkiriza okufuna obulokozi obweteeseteese okubikkulibwa mu biro eby'enkomerero. Obwo bwe mujagulizaamu, newakubadde nga mwanakuwazibwa mu kukemebwa okutali kumu akaserera akatono kaakano, oba nga kibagwanira.

—1 Peetero 1:5, 6

Awo ne bava mu maaso g'olukiiko nga basanyuka kubanga basanyizibbwa okukwatibwa ensonyi olw'Erinnya.

—Ebikolwa By'Abatume 5:41

Ng'abanakuwala, naye abasanyuka bulijjo; ng'abaavu, naye

abagaggawaza abangi; ng'abatalina kintu, era naye abalina ddala byonna.

—2 Abakkolinso 6:10

Naye bwe tuli abaana, era tuli basika: abasika ba Katonda, era abasikira awamu ne Kristo; bwe tubonaabonera awamu, era tulyoke tuweerwe wamu ekitiibwa.

—Abaruumi 8:17

Mutwale ekyokulabirako, ab'oluganda, eky'okubonyaabonyezebwa n'okugumiikiriza, bannabbi abaayogeranga mu linnya lya Mukama. Laba, tubayita ba mukisa abaagumiikirizanga.

—Yakobo 5:10, 11a

...naye mujjulenga Omwoyo....
Nga mwebazanga ennaku zonna
olwa byonna Katonda Kitaffe mu
linnya lya Mukama waffe Yesu
Kristo. —Abaefeso 5:18b ne 20

Era buli kye munaakolanga, mu
kigambo oba mu kikolwa, mukole-
renga byonna mu linnya lya Mu-
kama waffe Yesu, nga mwebaza
Katonda Kitaffe ku bubwe.

—Abakkolosaayi 3:17

Owenga Katonda ssaddaaka e-
y'okwebaza; osasulenga obweya-
mo bwo ali waggulu ennyo: Era
onkoowoolenga ku lunaku ollw'o-
kulaba ennaku; ndikuwonya, naa-
we olingulumiza nze.

—Zabbuli 50:14, 15

Temweraliikiriranga kigambo
kyonna kyonna; naye mu kiga-
mbo kyonna mu kusabanga n'o-
kwegayiriranga awamu n'okweba-
zanga bye mwagala bitegeezebwe-
nga eri Katonda. —Abafiripi 4:6

Kwagala Kwa Katonda

Mwebazenga mu kigambo kyo-
nna kyonna: kubanga ekyo Kato-
nda ky'abaagaliza mu Kristo Ye-
su gye muli.

—1 Abasesaloniiika 5:18

Ekkubo Elw'okusisinkana Katonda

Muyingire mu miryango gye
n'okwebaza, ne mu mpya ze
n'okutendereza. Mumwebaze, mu-
kuze erinnya lye. —Zabbuli 100:4

*Olw'eddembe Iye, Ekisa Kye
Neekitibwa Eby'amaanyi
Byaluberera*

Naye baweebwa obutuukirivu bwa buwa lwa kisa kye olw'okunulibwa okuli mu Kristo Yesu.

—Abaruumi 3:24

Eyatuvwxyzsa okununulibwa kwa-ffe olw'omusaayi gwe, okusonyi-yibwa ebyonoono byaffe, ng'o-bugagga obw'ekisa kye bwe buli.

—Abaefeso 1:7

Ng'ekibi bwe kyafugira mu ku-fa, era n'ekisa bwe kityo kiryo-ke kifuge olw'obutuukirivu okuwee-sa obulamu obutaggwaawo, ku bwa Yesu Kristo Mukama waffe.

—Abaruumi 5:21

Nga tumaze okuweebwa obutuukirivu olw'ekisa kye oyo, tul-yoke tufuuke abasika mu kusu-bira obulamu obutaggwaawo.

—Tito 3:7

*Olw'okuteebwa Okuva
Ku Setaani*

Bakyuke okuva mu kizikiza ba-dde eri omusana n'okuva mu buyi-nza bwa Setaani badde eri Katonda, balyoke baweebwe okuggi-bwako ebibi n'obusika mu abo abatukuzibwa olw'okukkiriza nze.

—Ebikolwa By'Abatume 26:18

Kale mujeemulukukirenga Ka-tonda; naye mulwanenga ne Se-taani, naye anaabaddukanga.

—Yakobo 4:7

Tuli Mikwano Gya Katonda Omukulu

Mmwe muli mikwano gyange,
bwe mukola bye mbalagira.

—Yokaana 15:14

Tuli Baana Ba Katonda

Kubanga bona abakulembe-
rwa Omwoyo gwa Katonda, abo
be baana ba Katonda.

—Abaruumi 8:14

Tuli Bawereza Ba Katonda

Yakobo, omuddu wa Katonda ne
Mukama waffe Yesu Kristo
—Yakobo 1:1a

Kyetuva tubeera ababaka mu
kifo kya Kristo, Katonda ng'afaa-
nana ng'abeegayirira mu ffe.
—2 Abakkolinso 5:20a

N'atufuula obwakabaka, baka-
bona eri Katonda Kitaawe; ekiti-
ibwa n'obuyinza bibeerenga eri
oyo emirembe n'emirembe. Ami-
na. —Okubikkulirwa 1:6

Bitundu Bya Mubiri Gwa Kristo

Kubanga tuli bitundu bya mubiri
gwe. —Abaefeso 5:30

Okuba Abakyala B'omwana Gw'endiga Gwa Katonda

. . . kubanga obugole bw'Omwa-
na gw'endiga butuuse, ne mukazi
we yeeteeseteese. . . . Baweeded-
wa omukisa abayitibwa ku mbaga
ey'obugole bw'Omwana gw'endiga.
N'anjambla nti Ebyo bye biga-
mbo eby'amazima ebya Katonda.
—Okubikkulirwa 19:7b ne 9b

TENDEREZA NGA OGYEEKO OKUSINZA OKWAWAMU

Kale singa abantu batendereza Mukama olw'obulungi bwe, n'o-lw'ebi'amagero bye eri abaana b'abantu! Era bamugulumizenga mu kkuññaaniro ery'abantu

—Zabbuli 107:31, 32a

Muyimuse engalo zammwe eri awatukuvu, mumwebaze Mukama.

—Zabbuli 134:2

Kubanga ani mu ggulu gwe bayinza okugeraageranya ne Mukama? Ani ku baana b'abakulu ali nga Mukama, ye Katonda atiibwa ennyo mu lukiiko olw'abatukuvu, agwana okutiibwa okusinga bonna abamwetooloola?

—Zabbuli 89:6, 7

Mumutendereze Mukama. Muyimbire Mukama oluyimba oluggyga, n'ettendo lye mu kkuññaaniro ery'abatukuvu.

—Zabbuli 149:1

Neebazanga nnyo Mukama n'akamwa kange; weewaawo, naamutenderezanga mu kibiina.

—Zabbuli 109:30

Mumutendereze Mukama. Mutendereze erinnya lya Mukama; mumutendereze, mmwe abaddu ba Mukama: Mmwe abayimirira mu nnyumba ya Mukama, mu mpya z'ennyumba ya Katonda waffe.

—Zabbuli 135:1, 2

Era n'oluyimba oluggyga alussizza mu kamwa kange, kwe kuteenderezza Katonda waffe: bangi abanaalabanga, ne batya, ne beesiga Mukama.

—Zabbuli 40:3

Naayimbiranga Mukama, kubanga ankoledde obulungi obungi.

—Zabbuli 13:6

Muyimbe okutenderezza Mukama, atuula mu Sayuuni: mubuulire ebikolwa bye mu bantu.

—Zabbuli 9:11

Muleeterere Mukama eddoboozi ery'essanyu, mmwe ensi zonna. Mumuweereze Mukama n'essanyu: mujje mu maaso ge n'okuyimba.

—Zabbuli 100:1, 2

Naatenderezanga erinnya lya Katonda n'oluyimba, naamugulumizanga n'okwebaza.

—Zabbuli 69:30

Kyennaavanga nkwebaza ggwe, ai Mukama, mu mawanga, naayimbanga okutenderezza erinnya lyo.

—Zabbuli 18:49

Naye ekiro mu ttumbi Pawulo ne Siira ne basaba ne bayimbira Katonda, abasibe ne babawulira; amangu ago ne wabaawo ekikanano kinene n'emisingi gy'ekkomera ne gikankana: amangu ago enzigi zonna ne zigguka; n'ebyali bibasibye bona ne bisumuluka. —Ebikolwa By'Abatume 16:25, 26

44 MUKULU NNYO ASANIDDE OKUTENDEREZEBWA

Mukama mukulu, agwanira okutenderezebwa ennyo, mu kibuga kya Katonda waffe, ku lusozi lwe olutukuvu. —Zabbuli 48:1

Sanyuka nnyo, ggwe omuwala wa Sayuuni: yogerera waggulu, ggwe omuwala wa Yerusaalemi; laba, kabaka wo ajja gy'oli; ye mutuukirivu era alina obulokozi.

—Zekkaliya 9:9a

abantu bakutenderezenga, ai Katonda; abantu bona bakutenderezenga. —Zabbuli 67:3

Amawanga gonna ge wakola galijja, galisinza mu maaso go, ai Mukama; era galigulumiza erinnya lyo. Kubanga ggwe mukulu,

era okola eby'ekitalo: ggwe Katonda wekka. —Zabbuli 86:9, 10

Kubanga Mukama mukulu, era agwana okutenderezebwa ennyo: era agwana okutiibwa okusinga bakatonda bona. Kubanga bakanonda bona ab'amawanga bye bi-faananyi: naye Mukama ye yakola eggulu. Ekitiibwa n'obukulu biri mu maaso ge: amaanyi n'essanyu biri mu kifo kye.

—1 Ebyomumirembe 16:25-27

Naye bona abeesiga ggwe basanyukenga, bayoogaanenga mu ssanyu bulijjo, kubanga ggwe obakuumma: era abaagala erinnya lyo basanyukirenga mu ggwe.

—Zabbuli 5:11

NYINZA OKWESIGA KATONDA WANGE OBUTAKOMA

45

Katonda ataggwaawo kye kifo ky'otuulamu, era emikono egitaggwaawo gikuwanirira.

—Ekyamateeka Olw'okubiri 33:27a

Katonda kye kiddukiro n'amanyi gaffe, omubeezi ddala atabula mu kulaba ennaku. Kyetunaavanga tulema okutya, ensi ne bw'enekyukanga, n'ensozi ne bwe zi-naasigukanga mu buziba obw'enyanja; amazzi gaayo ne bwe ganaayiranga ne bwe ganekulumululanga, . . . Waliwo omugga, emyala gyagwo gisanyusa ekibuga kya Katonda, ekifo ekitukuvu eky'eweema z'oyo ali

waggulu ennyo. Katonda ali wakati waakyo; tekiisagaasaganganga: Katonda anaakibeeranga, anaakibeeranga enkya mu matulutulu. Amawanga gaayoogaana, obwakabaka ne bwetabula: yaleeta eddoboozi lye, ensi n'esaanuka.

—Zabbuli 46:1-6

. . . olimutuumma erinnya Yesu. Oyo aliba mukulu, aliyitibwa Mwana w'Oyo Ali waggulu ennyo. Era Mukama Katonda ali-muwa entebe ya Dawudi jjajjawe: era anaafuganga ennyumba ya Yakobo emirembe n'emirembe, so obwakabaka bwe tebuliggwawo.

—Lukka 1:31b-33

TWALONDEBWA KUTENDEREZA KRISTO EMIREMBE GYONNA

Katonda omu yekka Omulokozi waffe, ku bwa Yesu Kristo Muka-ma waffe, aweebwenga ekitiibwa, obukulu, amaanyi n'obuyinza, edda n'edda ng'emirembe n'emirembe teginnabaawo, kaakano era n'emirembe egitaliggwaawo. Ami-na.

—Yuda 25

Ffe tulyoke tubeere ettendo ly'ekitiibwa kye, ffe abaasooka okusuubira mu Kristo: era nammwe mu ye, bwe mwawulira ekigambo eky'amazima, enjiri ey'obulokozi bwammwe, mu oyo, n'okukkiriza bwe mwakkiriza, ne muteekebwako akabonero n'Omwoyo Omutukuvu eyasuubizibwa,

gwe musingo gw'obusika bwaffe, okutuusa envuma ya Katonda lw'erinunulibwa, ekitiibwa kye kitenderezebwe. —Abaefeso 1:12-14

Era kino kye nsaba okwagala kwammwe kweyongereyongengen ga kusukkirirenga mu kutegeera n'okwawula kwonna: mulyoke musiimenga ebisinga obulungi; mubeerenga abatalina bukuusa era abatalina kabi okutuusa ku lunaku lwa Kristo; nga mujjudde ebibala eby'obutuukirivu, ebiriwo ku bwa Yesu Kristo, Katonda aweebwe ekitiibwa, atenderezebwe. —Abafiripi 1:9-11

MUTENDEREZE OBUTASALAKO OKUTUUSA EMIREMBE GYONNA

47

Neebazanga Mukama mu biro byonna: ettendo lye liri mu kamwa kange bulijjo. —Zabbuli 34:1

Naffe abantu bo era endiga ez'ettale lyo tunaakwebazanga ennaku zonna: tunaayolesanga ettendo lyo okutuusa emirembe gyonna. —Zabbuli 79:13

... so tebiriiko kuwummula emisana n'ekiro nga byogera nti Omutukuvu, Omutukuvu, Omutukuvu, Mukama Katonda Omuyinza w'ebintu byonna, eyabaawo era abaawo era ajja okubaawo. Era ebiramu bwe birimuwa ekitiibwa n'ettendo n'okwebaza oyo atudde ku ntebe, omulamu emire-

mbe n'emirembe, abakadde amakumi abiri mu bana balivuunama mu maaso g'oyo atudde ku ntebe, era balisinza oyo omulamu emirembe n'emirembe, era balisuula engule zaabwe mu maaso g'entebe, nga boogera nti Osaanidde ggwe, Mukama waffe, Katonda waffe, okuweebwanga ekitiibwa n'ettendo n'obuyinza: kubanga ggwe wabitonda byonna, era byabaawo lwa kusiima kwo, era byatondebwa. —Okubikkulirwa 4:8b-11

Nga nkyali mulamu, naatendererezanga Mukama: Naayimbanga okutendereza Katonda wange nga nkyaliwo. —Zabbuli 146:2

Ne bayimba oluyimba oluggya, nga boogera nti Osaanidde okutoola ekitabo n'okubembula obubonero bwakyo: kubanga wattibwa n'ogulira Katonda olw'omusaayi gwo mu buli kika n'olulimi n'abantu n'eggwanga, n'obafuula eri Katonda waffe obwakabaka era bakabona; era bafuga ku nsi. Ne ndaba ne mpulira eddoboozi lya bamalayika abangi abeetoolodde entebe n'ebiramu n'abakadde; n'omuwendo gwabwe gwali obukumi emirundi obukumi, mu enkumi emirundi enkumi; nga boogera n'eddoboozi ddene nti Asaanidde Omwana gw'endiga eyattibwa okuweebwa obuyinza n'o-

bugagga n'amagezi n'amaanyi n'ettendo n'ekitiibwa n'omukisa. Na buli kitonde ekiri mu ggulu, ne ku nsi, ne wansi w'ensi, ne ku nnyanja, n'ebirimu byonna ne mbiwulira byonna nga byogera nti Eri oyo atudde ku ntebe, n'eri Omwana gw'endiga, omukisa gubenga n'ettendo n'ekitiibwa n'amaanyi emirembe n'emirembe. N'ebiramu ebina ne byogera nti Amiina. N'abakadde ne bavuuna-ma ne basinza.

—Okubikkulirwa 5:9-14

Osaanidde ggwe, Mukama waffe, Katonda waffe, okuweebwanga ekitiibwa n'ettendo n'obuyinza.

—Okubikkulirwa 4:11a

AMAANYI AG'OMWOYO BW'O MUTENDEREZA

Katonda atuula mu Matendo ga balondebe. Omuntu atendereza ddala Katonda okuva mu mutima gwe. Alisukkiri-ra mu mwoyo kubanga Katonda alituula mu Matendo ago. Kkubo ly'amazima doala okufuna nate okubeerawo kwa Katonda n'amaanyige mubulamu bw'omuntu.

Amanyi Agomwoyo agava eri Mukama gajja Iwamwoyo gwe (“Jjuzibwa nomwoyo Omutukuvu”); Iwakigambokye, Iwamusaaayigwe, lwa linnya lye, lwa kwagala kwe okuyita mu kukomebwako, okusaba okutuukiridde okw'omuntu Omutukuvu era nokuyita mu kugondera Katonda. Mukatabo kano tulabye nekumanyi amalala—geg'okutendereza Katonda. Omuntu gyakomya okuwa Katonda ettendo ery'okwagalia gyakomya n'okufuna amanyi ag'omwoyo.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

World Missionary Press, PO Box 120, New Paris, IN 46553-0120 USA



Read booklets online or by App
www.wmp-readonline.org